

Судакъ шеэри больгеси МБУТ «Къырымтатар тилинде окъуткъан  
3 номералы орта умумтасиль мектеби»

*Сеят дерси*

*«1-ден-10-гъаджа ойнап саямыз»*



*Азырлады:  
башлангыч  
сыныфлар оджасы  
Усеинова Зарема  
Рустемовна*

*Судакъ  
2020с*

**Сыныф:** 1-А

**Мевзу:** 1-ден-10-гъаджа ойнап саямыз

**Дерсиниъ чешити:** Сеят дерси (эсап бильгилерини оюн фаалиетинен къуланув)

**Донатмалар:** ракъамлар ве сайы модели(нюмюне),мантарлар модели:чибин мантарлар ве ягълы мантарлар,кийик ве эв айванларынынъ, къушларнынъ ресимлери, оюнчакълар ве эмблемалар(тайчыкъ ве сансар).

**Макъсад ве вазифелер:**

- ассоциатив фикир этиовни, позитив къонушувнынъ теджрибесини инкишаф этмеге ярдым этмек;
- балаларнен онгъаджа сыра сайыларыны ве микъдар сайыларыны огренмеге девам этиов, оларны билип,айырмагъа огретмек;
- предметлерни алямет боюнджа(шекиль,ольчюси), ве эсап карточкаларда бельгилемек;
- озюни ве сыныфдашларыны бааламагъа бильмек;
- бири-бирине ярдым этип,къыйынлыкъларны чезмек.

Сеятнынъ кетишаты

### **1 Блок: Мотивлештирюв(тааджиПЛенюв,сюрприз)**

Балалар сыныфкъа кирелер ве оджанен ве бири-биринен селямлашалар.

-Балалар,бири-бирингизге бакъып,теббесюм этейик,эпимизнинъ кейфимиз яхшы.

Къайда кетеджегимизни бизге тапмаджа бильдиреджек:

О буюктир,гурь ве ешилъ  
Оны эв деп саймагъа мумкюн  
Анда яшай эм къушлар  
Тильки,тавшан,къашкъырлар  
(Дагъ)

Эбет, Эсап мемлекетине дагъдан,маниаларны кечип бармагъа мумкюн.

Келингиз,ел алайыкъ!

-Вай не олды? -Балалар, эр шей къарышып къалды,ракъамлар гъайип олды, , эсап карточкалар исе къачтылар.Оларны Судакъ дагънынъ къараличеси сакълагъандир.

Бизге не япмакъ керек?Сеяткъа кетмеге керекмиз.

Бу сеятмызда биз Судакъ дагънынъ къараличеси сакълагъан эсапкъа аит олгъан эр шейни къайтармакъ керекмиз.Эр шейни беджермек ичюн биз сизлернен достлашмакъ, муабет ве дикъкъатлы олмакъ керекмиз.

**Бакъынъыз кокюсингизде эмблемалар бар,ресимлерине коре группаларгъа болюнъиз.**

**-Сизнинъ адынъыз насыл?(масаларгъа оюнчакъларны къоймакъ)**

### **2 Блок: Мундеридже**

-Башта биз терен къаранлыкъ дагъгъа кетемиз.Амма не бар мында?

Хырсызлангъан ракъамлар озь ерлерини джойгъанлар, олар багъырып сизлерден ярдым сорайлар. Оларгъа сырагъа турмагъа ярдым этмек керек.

### **Группаларнынъ иши:**

1 гр «Тайчыкълар»-ракъамларны тахтада тизелер.

2 гр. «Сансарлар» ракъамларнынъ моделлерни тизгенде,хата тапалар.

-Сиз не корьдингиз? (1- дерт ракъамы екъ,2-дерт сайынынъ модели екъ).

-Судакъ дагънынъ къараличеси бу ракъамны къайтармагъа азыр, амма сиз онъа бу ракъамны тапынъыз.

-Сыныфта не ерде корьмекни мумкюн?

(-Пенджеренинъ,къапынынъ,тахтанынъ,раленинъ 4 кошеси,тарафы бар.)

### **3 Блок. Психологик раатланув**

Беджердингизми?Сеятатымызны девам этмеге азырсынъызмы?

Бир,эки,учь,дерт,  
Беш,алты,еди.

Секиз, докъуз, онгъаджа  
Саям мен энди  
Сенде бир алма олса,  
Менде шефтали.  
Оларны эсапласань,  
Оладжакъ эки.

#### **4 Блок Интеллектуаль дакъкъасы**

Биз айванлар алемине келип чыкътыкъ.

-Аланлыкъта сиз нени коресинъиз? (-Айванларны ве къушларны).

-Насыл эки группагъа больмеге мумкюн? (-Эв ве кийик)

-Мында олгъан айванларнынъ къач аякълары бар? -Он(эчки, ат, чипче, тильки, лейлек, аюв)

-Эписи оларакъ къач айван бар?(6)

-Къач къуйрукълары бар?( )

-Оларны Эсап алемине къайтармакъ ичюн, биз ольчюсине коре бир сырагъа тизмек керекмиз: энъ балабан айвандан башлап, энъ кучюгинен битирмек( аюв, ат, лейлек, эчки, тильки, чипче ).

-Къайсы 3-джи оладжакъ?

-Сырада ат къачындыжы?... Сагъ олунъыз.

Балаларгъа ресимлерни беремиз. Вазифе:

-Балалар, ресимлерге бакъып икячиклер тизинъиз

-Не къадар эди?.

-Не къадар китти, ашалды?

-Не къадар къалды?

#### **5 Блок. Мунджерели парча**

Шимди биз дагънынъ энъ чатырман ерине кетемиз, анда билесинъиз нелер осе? Тапмаджаны динъленъиз.

Отлар ичинде осе

Башы екъ, амма феси бар

Бир аягъы онынъ бар

Чызма онъа керекмей. (Мантар)

-Сиз мантарлар акъкъында не билесинъиз? (-Эки тюрлю ола.)

-Насыл эки чешит ола? (-Ашалгъан ве зээрли).

-Бильген мантарларнынъ адларыны айтынъыз (Ягълы ве чибин мантарлар).

-Шимди огъланлар чибин мантарыны, къызлар исе ягълы мантарларыны топлайлар.

-Предметлернинъ микъдарыны бильмек ичюн не япмагъа керек? (-Чифтлемек керек).

-Мантар акъкъында не айтмакъ мумкюн? (-Ягълы мантарлар 1 мантаргъа чокъ, чюнки 1 ягълы мантаргъа чифт етмеди).

-Сагъ олунъыз.

#### **6 Блок. Нетидже**

-Сеяатта нени огрендинъиз? (-Ракъамларны саймагъа, моделлерни бильгилемек, айванларнынъ ве къушларнынъ чешитлерини бильдик, насыл мантарлар олалар, икяелер тизмеге огрендик)

-Эр шейни беджерип олдынъыз?

-Судакъ дагънынъ къараличеси исе, сизге достлукъ ичюн, яхшы чалышкъанынъыз ичюн миннетдарлыкъ бильдире. Сизге тылсымлы сепетчик еллады, онынъ ичинде татлы бахшышлар бар.

-Сизни бу сепетчик ичинден бахшыш чыкъармагъа давет этем.